



TEACHERS' DAY MESSAGE

Vawiin Teachers' Day- 'ZIRTIRTUTE NI' ah hian zirtirtute leh pension tawh zawng zawngte zahna chibai ka buk a che u. Rim taka zirtirna hna ropui in thawhnate hre rengin, duhsakna, zahna leh chawimawina ka hlan a che u. Zirtirtu chatuan ram min pansantate chhungkua ka tawrhpuoi takzet che u a, natna tuar mekte pawh Pathianin damna a pe ang che u a, naupangte hnenah zirtirna tha tak inpek chhonzawm leh theih nan duhsakna ka hlan a che u.

India ram zirtirtu ropui Dr. Sarvepalli Radhakrishnana'n, "Ram chhung hmasawna tur leh inrelbawlina kawngtin rengah zirtirtute rilru suhthlek leh ngaihtuahna ah a inngat thui hle" a tih angin, kan ram leh hnam hmasawna tur leh kal chhoh zelna tur kawngah a sulsutu leh kaihruiatu nihna chanvo pawimawh tak in chelh a ni tih hre rengin, hmalam hun lo kal zel tur atan theihtawp chhuah chhonzawm turin kan in chah tak meuh a. Turkey former President Musta Kamal Ataturk chuan, "Zirtirtu tha chuan midangte kawng eng kawhhamuh turin, hreawm pawh pawisa lovin a inpumpek thin," a tih angin in inpekna leh thawhrimzia hi nitinin ram leh hnamin a chhiarin a hmu a, a lawmawm takzet a ni.

Zirtirtu mual liamta te, pension a chawltate leh tuna zirtirtu thawk laite thahnemngaihna avanga kan ram leh hnamin zirna huangah te, mihring khawsak nunphungah te, ei leh bar kan zawn kawngah te, infiamna leh talent haichhuah leh pholanna kawngah te, hmasawna nasa tak hmuin, raltiang ram kan kai ve theihna chhan hi zirtirtute inpekna leh thawhrimna avang a ni tih kan hriatin kan chhuang tak zet a che u.

Vawiin hian, in kiangah hun hmang ve thei lo mah ila, ka rilru leh ngaihtuahna zawng zawngte inluah vek a, hlim taka Teachers' Day hmang turin duhsakna leh zahna chibai ka buk a che u.

Happy Teachers' Day 2023

(ANDREW LALTLANZARA)